

圆瑛法汇丛书 二

佛说阿弥陀经讲义

佛说阿弥陀经要解讲义

大势至菩萨念佛圆通章讲义

北京广济寺众弟子敬印

佛說阿彌陀經要解講義



回向偈

愿以此功德
庄严佛净土
上报四重恩
下济三途苦
若有见闻者
悉发菩提心
尽此一报身
同生极乐国

圆瑛法汇丛书

二

佛说阿弥陀经讲义
佛说阿弥陀经要解讲义
大势至菩萨念佛圆通章讲义

印赠者 北京广济寺

赠送处 北京广济寺

地址 北京西四阜内大街二十五号

公元一九九九年二月

内部资料 免费交流

准印证号 九八—〇三一四

印数 五千册

佛說阿彌陀經要講義序

法門無量。統如來隨機而說。衆生既各入門。終令圓人佛道者也。夫彌陀經。乃釋尊普被三根。羣攝利鈍之法。故佛於方等中。不俟請而矢口告舍利弗。廣讚極樂妙境。深歎彌陀光壽。勸人堅固信願。專持聖號。定得往生。終成佛果。斯經也。乃世尊以平等心。運無緣慈。於無量法門。開出方便中最方便。捷徑中最捷徑者。良由末世衆生。善根闇鈍。世緣囂雜。攝心尤難。若非至簡至捷。奇妙方便法門而圓收。豈易入道。是故佛經自東漸震旦以來。持誦之盛。往生之驗。無尚此經。由此自古先達注疏殊多。皆如日星俱麗於天。江海皆匯於海。故諸縞素。其起信者。并持而專切者。由來盛矣。迄明智旭大師。特著要解以釋此經。更超前賢之不逮。發所蘊奧之未發。析義判教。勸導信願。若畫龍之點睛。宛轉精耀。徹淨宗之骨髓。達佛意之普周。類六方之共讚。同諸佛之廣長。厥趣幽深。若非再添注釋。令人豈易入室。圓瑛法師。受天津居士林請講斯解全文。欲使衆聞瞭若指掌。特先編輯講義。普令或聞或見。一目貫通。夫荆山之玉。務須剖釋。衣裏明珠。總賴指示。師爲現代知識。明眼宗匠。舒胸中之真彩。發鑛裏之精金。俾達要解而入經義。由經義而悟自性彌陀。唯心淨土。則極樂蓮花不外當人一念。當念果證。步步皆是已矣。稿成付印而問序焉。余雖

不敏。聊敘片言以弁其端。庶廣起信云爾。時壬午莫春。興慈謹撰。

律教律淨四宗 向上一條路寂照貴雙

行步緣齊放下知解亦不生佛綿綿與密密

執許起疑情大疑有大悟心地自發明

以束可說法如指肉示人因指者看月依

教要觀心說余不能飽教實莫濟貪貪休教

文字障執藥病更深 五篇典三聚定慧

此為基我佛有遠隔當以戒為師身口與

素業止作要變持皎潔若冰霜疾趨佛善

提 淨土之法門為修行捷徑一念止衆

念方便密殊勝心中惟有佛念念以相應

橫超出三界五生忽速證庚辰四月錄

四明太白山人瑛圖

佛說阿彌陀經要解講義第一卷

上海圓明講堂沙門韜光圓瑛講
受度弟子芬陀利子明暘日新錄

佛說阿彌陀經要解

今講此解略分爲六。 一 二種題目 二 譯經法師 三 解經大師 四 著解序文

五 解經玄義 六 正釋經解 今先講二種題目

前佛說阿彌陀經六字是經題。後要解二字是疏題。經題六字中復有通別之分。前五字是別題。別者辨別。與諸經之題不同故。後一字是通題。通者通同。凡是經藏皆名經故。

別題按古德七種立題中。乃是單人立題。諸經別名無量。不出七種。以人法喻三字。有單的三種。即單人。單法。單喻。一字爲單。複的三種。即人法。人喻。法喻。二字爲複。具足的一種。人法喻三字。皆具足故。

單人立題。如本經佛說阿彌陀經。能說之佛。所說之佛。皆是大覺悟之人。是娑婆極樂。兩土教主。已證究竟極果之人也。題中無法喻。單法立題。如大涅槃經。涅槃是不生滅之

彙法

法題中無有人喻。單喻立題。如大寶積經。譬如大寶積聚。題中無有人法。人法立題。如文殊問般若經。文殊是人。般若是法。題中無譬喻。人喻立題。如如來師子吼經。如來是人。師子吼是喻。題中無法。法喻立題。如妙法蓮華經。妙法是法。蓮華是喻。題中無人。具足立題。如大方廣佛華嚴經。大方廣是最上一乘之法。佛是一切智人。華嚴喻以萬行因華。莊嚴果德。具足人法喻三字。諸經雖多。總不出此七種立題。

再將經題六字分講。先講佛字。梵語本有佛陀二字。譯爲覺者。卽大覺悟之者。者字卽中國人。有好略之習慣。單稱佛之一字。我等信佛念佛學佛之人。第一要明白佛字意義。此字意義無窮。說不能盡。今且略講。佛者覺也。覺有本覺。始覺。究竟覺。佛卽究竟大覺之人。又覺有自覺。覺他。覺滿。佛卽覺行圓滿之人。又有法報應三身佛等。信佛念佛學佛之人。所應深知而解悟也。

何謂本覺。卽吾人本有之覺性。此性本來自有。不假修成。覺卽是佛。乃人人本具之佛性。今在凡夫迷位之中。稱爲本覺。迷此本覺。而爲不覺之衆生。雖然不覺。而本覺之性未嘗失。如醉漢衣裏明珠。貧人宅中寶藏。諸大乘經云。一切衆生。本來是佛。又云衆生本成佛道。又云一切衆生。本元眞如。與十方佛。無二無別。金剛經云。是法平等。無有高下。皆謂此也。是本有覺性。故名本覺。

何謂始覺。因衆生本具佛性。迷而不覺。忽逢善知識開導。或看經書。方始覺悟。本具天真佛性。此性有稱本來面目。或呼無位真人。一向迷之。今始覺悟。故名始覺。

何謂究竟覺。前本覺屬理。始覺屬智。一切衆生。由本覺內熏之因。遇善知識開導。及看經書外熏之緣。因緣具足。依理起智。方始覺悟。既覺悟已。則以智照理。時時迴光返照。照破一切妄惑。惑盡即煩惱乾淨。智圓即菩提復還本有心源。究竟清淨。朗然大覺。是名成佛。堪稱究竟大覺之人。

何謂自覺。即前所云。本覺內熏爲因。善知識與經教。外熏爲緣。發起始覺之智。了知吾人本具佛性。生滅身中。自有不生滅性。稱性起修。必得無上菩提。涅槃成佛有分。此爲自覺。何謂覺他。即以自覺之理。輾轉教化他人。令他人亦得覺悟。亦能發心修行。不同二乘無利他行願。自覺之後。不肯覺他也。何謂覺滿。即自覺覺他。二種功行圓滿。自覺圓滿。斷五住煩惱。得四智菩提。則慧足。覺他圓滿。經三祇練行。住百劫修因。則福足。福慧滿足。爲兩足尊。是名成佛。堪稱覺行圓滿之人。

又有法報應三身佛。身者。積聚之義。凡夫則積聚業報以成身。佛則不然。業盡識空故。法身佛。是理積聚。積聚眞如理法以爲身。眞如圓淨。徧一切處。法身亦然。故曰清淨法身。毘盧遮那佛。梵語毘盧遮那。此云徧一切處。報身佛。是智慧積聚。積聚一切種智以爲

彙法

身。眞智圓滿。安惑乾淨。故曰圓滿報身。盧舍那佛。梵語盧舍那。此云淨滿。惑淨智滿也。應身佛。是功德積聚。積聚無量功德以成身。三祇修福慧。百劫種相好。時至機熟。應機示現。故曰千百億化身。釋迦牟尼佛。梵語釋迦牟尼。此云能仁寂默。能仁是姓。寂默是字。今此能說之佛。卽釋迦牟尼佛。此佛名號。具悲智二德。自他兩利。釋迦譯能仁。屬悲德。能以仁惠度脫衆生。此爲利他。牟尼譯寂默。屬智德。寂照分明。默契至理。此爲自利。說者。古德云。悅所懷也。以佛有此圓頓法門。時未至。機未熟。秘而不宣。不暢本懷。今時至機熟。觀衆生於此圓頓法門。自能信願修行。故以八音四辯。暢悅本懷而說也。

阿彌陀。譯云無量壽。本經云。彼佛壽命及其人民。無量無邊。阿僧祇此云無數劫。故名阿彌陀。此無量之稱。有有量之無量。與無量之無量。二種差別。彌陀法身。無始無終。及報身。有始無終。皆無量之無量。而應身。有始有終。乃有量之無量。應身壽量雖長。亦有涅槃。正法住世。劫亦無量。無有像法末法。正法上半夜滅盡。下半夜觀世音菩薩成佛。號曰普光功德山王如來。世界不名極樂。名爲衆寶普集莊嚴世界。更勝極樂。

阿彌陀。又譯無量光。本經云。彼佛光明無量。照十方國。無所障礙。故名阿彌陀。佛有智光身光。智光徧照法界。是無量之無量。身光雖然徹照十方。尙屬有量之無量。

又自性彌陀。亦具無量壽。無量光二義。自性豎窮三際。卽無量壽義。自性橫徧十方。卽無

瑛圓

量光義。又彌陀法身真理。常住不變。卽無量壽義。根本實智。徧照法界。卽無量光義。此約理智而論。

若約事相而談。彌陀之無量壽光。亦屬修成。乃由願行功德之所莊嚴。彌陀因中爲轉輪聖王。聞世自在。王佛說法。從佛出家。名曰法藏比丘。對佛發四十八願。莊嚴極樂。依正二報。第十三願云。設我得佛。壽命有限量。下至百千億那由他劫者。不取正覺。第十二願云。設我得佛。光明有限量。下至不照百千億那由他諸佛國者。不取正覺。因願後歷劫修行。行滿果圓。故壽光悉皆無量。彌陀如是。我等若能發大願。立大行。亦可隨願所成也。上講別題竟。

再講通題經字。梵語修多羅。此云契經。乃是我佛契理契機之教。上契諸佛所說之理。下契衆生可度之機。故曰契經。有教經。行經理經之別。此經能詮之聲名句文。與所詮之信願持名。皆是對機之教。爲教經。其中所授執持名號。清淨三業之行。爲行經。所有依正莊嚴。不出一心實相之理。爲理經。經題六字講竟。

疏題要解二字。要是重要。綱要。藕公老人。智慧宏深。不事廣釋。但著要解者。欲將彌陀一經。重要之綱宗。提挈以示人也。略講本經要義。一直詮無上心要。此經佛說西方極樂依正莊嚴。卽是唯心之淨土。自性之彌陀。一切依正。不離吾人心性之外。此心非肉團之假

心。非意識之妄心。乃是包太虛。周沙界。豎窮橫徧之真心。生唯心淨土。即是生現在極樂世界。唯心所現之淨土。非別有一淨土也。見自性彌陀。即是見現在說法。唯心所現之彌陀。非另有一彌陀也。若依報。若正報。皆不離心。此為本經之綱要。

二直示法門要。此經佛教人專持彌陀名號。以修淨土之行。行由信願而立。故經中先詳陳依正莊嚴以起信。次特勸應求往生以發願。三正示執持名號以立行。以一念消除種種妄念。而得一心不亂。即此信願行三種資糧具足。便可橫超三界。往生極樂。圓證三不退地。一位不退。二行不退。三念不退。此為法門之綱要。大師之解。即解如是要義。故名要解。一二種題目講竟。

二譯經法師

姚秦三藏法師鳩摩羅什譯

此經結集天竺。流傳中華。姚秦是紀時也。紀傳譯之時代。揀非符秦。乃是姚興在位時。故名姚秦。亦名後秦。前秦即符堅稱王名符秦。時有異星現於西北分野。太史入奏。當有智人入輔中國。堅曰。朕聞龜茲國有鳩摩羅什法師。得非此人歟。即遣驍騎將呂光率兵伐龜茲。臨行謂曰。朕非貪地用兵。若得法師。即日班師。馳驛送歸。龜茲王既悉。即勸請法師

入秦。以解國難。光迎師回國。至西涼。聞符堅爲姚萇所殺。乃自據涼上。卽三河王位。萇聞師名。數請入關。光皆不允。姚興繼父位。復請不允。於是起兵伐涼。呂光卒。姪呂隆嗣位。無力抵抗。興乃得迎師至長安。待以國師之禮。延入西明閣。乃集義學沙門八百人。從什受學。什師所譯經論。九十八部。凡三百九十餘卷。此經亦所譯之一。時在姚秦。故以紀之。三藏法師者。顯德也。一修多羅藏。此云契經。爲定學之藏。二毗柰耶藏。此云善治。又云律。爲戒學之藏。三阿毗曇藏。此云無比法。又云論。爲慧學之藏。法師有二義。一以三藏之法。爲我之師。卽依法爲師也。二深通三藏之法。自行化他。可以爲人師範也。什師博通三藏。七佛以來。爲譯經師。堪稱三藏法師。

鳩摩羅什。標名也。原名鳩摩羅耆婆。什譯云童壽。謂童年而有耆德也。有云此名。乃連父母爲名。父名鳩摩羅琰。母名耆婆。什者。善識此方文字之稱。譯者。易也。易梵語爲華言。周制掌四方之語。各有其官。北方曰譯官。漢時譯官。兼善西語。聖教西來。請其譯語。故以稱焉。

什師家世相國。其父鳩摩羅琰。棄官出遊。至龜茲國。王美其德。以妹妻之。生師。母卽出家。得證初果。師年七歲。母亦令出家。日誦千偈。一日隨母入寺。見鐵鉢。卽舉加頸。俄念鉢重。我年少力弱。何以能舉。力卽不勝。遂悟萬法唯心之旨。慧性過人。九歲隨母到罽賓國。依

覺法

槃頭達多法師。習小乘經論。十二歲其母攜還。至月氏北山。有羅漢見而異之。謂其母曰。此子當善守之。如過三十五歲不毀戒。度人當不減優波毼多。天竺第四祖若破戒。祇為才明。備藝法師而已。博通四圍陀典。五明諸論。陰陽星算等術。莫不窮徹盡奧。又從須利耶蘇摩。咨稟大乘。乃知從前學小乘之非。於是傳習大乘。廣求要義。復到罽賓。為其師槃頭達多。具說一乘妙理。達多感悟。反禮為師。什師不敢受。其師曰。我是汝小乘師。汝是我大乘師。受禮何妨。及還龜茲。名震諸國。其母知龜茲運衰。辭往天竺。進證三果。臨行謂什曰。方等深教。當闡秦都。但於自身。少有不和。奈何。什曰。菩薩之道。利物亡軀。大化得行。雖當鑊。鑊無恨。乃留龜茲。止新王寺。後為大秦。請入華夏。一生所譯。咸共流通。

昔道宣律師問天人陸玄暢。什師所譯經論。何以迄今受持轉盛。答曰。此師七佛以來。為譯經法師。以悟達為先。得佛遺寄之意。什師臨終自誓。若所譯經論。不違佛旨。當使焚身。舌根不壞。迨火化後。果然一舌獨存。此師之舌。當與六方諸佛。廣長舌相同。其所譯此經。自應可信也。二譯經法師講竟。

三解經大師

清。西有沙門。滿益智旭解。

清是朝號。滿人入主中國。國號大清。大師生於清朝。俗姓鍾。字振之。名際明。又名聲。始祖由汴梁南渡。世居古吳。母金氏。父岐仲公。持大悲咒十年。夢大士送子。遂生師。七歲即茹素。十二歲就外傳。聞聖學。即以千古自任。誓滅佛老二教。開葷酒。作論數十篇。闢異端。至十七歲。閱自知錄序。及竹窗隨筆。乃不謗佛。取所著論焚之。二十歲。註論語。大悟孔顏心法。是冬喪父。聞地藏菩薩本願。發出世心。二十二歲。專志念佛。焚窗稿二千餘篇。二十三歲。聽楞嚴經。二十四歲。一月中三夢。憇山大師。師住曹溪。不能往從。乃從憇山大師門人雪嶺師出家。命名智旭。二十五歲。往徑山悟道。二十六歲。受菩薩戒。二十八歲。母病篤。四刲肱不救。悲痛無限。喪葬盡禮。誓住深山。掩關修道。關中大病。乃以參禪工夫。求生淨土。三十歲出關。始述毗尼事義集要。三十二歲。方究心台宗。三十七歲後。宏化諸方。著述各種經論疏解。計四十八種。約三百餘卷。五十七歲。圓寂於靈峯。越三年。門人開龕茶毗。見跌坐巍然。髮長覆耳。面貌如生。火化後。牙齒俱不壞。與羅什法師。舌相不壞。同一徵信。大師生前遺囑。茶毗後。將靈骨研碎。和麵為餅餌。散放水山之中。以結衆生之緣。後衆門人不敢從粉趾遺囑。遂奉骨塔於靈峯大殿之右。

西有。是大師之別號。此號根據本經。佛告舍利弗。從是西方。過十萬億佛土。有世界名曰極樂。此告以依報實有其土有佛。號阿彌陀。今現在說法。此告以正報實有即是西方依正二報。皆是實

英國有。故號西有。並非寓言。亦非理想。因無人知。故佛舉告舍利弗。實有西方極樂之依正。不可偏理而廢事也。

沙門。爲印度出家修道者之通稱。譯云勤息。謂勤修戒定慧。息滅貪瞋癡。又曰識心達本源。故號爲沙門。此二字實不易稱。沙門有四種分別。一勝道沙門。三乘聖衆。修證道果者。二說道沙門。代佛宏化。說法利生者。三活道沙門。持戒修身。以道自活者。四污道沙門。破戒比丘。玷污佛門者。蕩公是前三種沙門。

蕩益。乃是大師精修淨業之號。蕩爲蓮之因。由蕩而生荷。開華結蓮。蓮卽蕩之果。意以種蕩。有得蓮之益。而念佛之人。一心念佛。自有往生九品蓮華。橫超三界。直趣菩提之益。智旭是大師法諱。旭爲清晨東昇之日。其師以其智慧。譬如東昇之日。能破大夜之昏。光明徧照也。解。卽解釋。將本經重要之義理。綱要之心宗。一一解釋。令得顯明也。三解經大師講竟。

四著解序文分二科 初序法門 二序註疏

初科又分二 初總序多門 二別顯淨宗 今初

序●原夫諸佛。憫念羣迷。隨機施化。雖歸元無二。而方便多門。

法講●原夫。是起語之辭。諸佛者。諸是衆多之謂也。卽指過去現在。十方一切諸佛。佛佛道

同。同以無緣之大慈。同體之大悲。憫念衆生。憫者哀憫。卽大悲之用。念者護念。卽大慈之用。羣迷範圍廣大。指九法界衆生之多。六凡衆生。卽三界內六道凡夫於本來無我。妄執此身爲實我。迷却我空之理。於本來無法。妄執心外有實法。迷却法空之理。二乘之人。阿羅漢辟支佛灰身泯智。趣向偏空。迷却眞空之理。權教菩薩。未悟眞如。所修不能離相。迷却圓中之理。九界之迷。雖分輕重。其爲無明所覆一也。

隨機施化者。諸佛轉八識成四智。有妙觀察智。能觀察衆生。是何種機。爲說何種法。是隨其機宜。施以教化。如觀世音菩薩。三十二應。應以何身得度。卽現何身。應以何法得度。卽說何法。

又諸佛。稱爲無上醫王。能醫衆生。各種心病。如醫師對症開方授藥。自可藥到病除矣。隨機施化。爲度生之唯一方法。如不淨錯施於罽韠。數息不利於塚人。皆不能受益。

昔有二人。投佛出家。一是製罽韠之人。一是守塚墓之人。佛弟子授製罽韠者。以不淨觀工夫。授守塚墓者。以數息觀工夫。二人依教修觀。皆不得益。遂同欲還俗。佛呼而問之。汝二人何以還俗。乃將依教修觀。不得益之故。稟明於佛。佛囑不必還俗。汝二人易觀修之。自能得道。要製罽韠者。修數息觀。守塚墓者。作不淨觀。二人不久。皆得道果。此卽隨機施化。易於得益之明證也。

瑛圓

凡為善知識者。應當通達。大小偏圓。權實頓漸。一切法門。隨眾生根。而為宣說。因眾生根性不同。樂欲各異。只得俯就機宜。曲垂方便。而饒益之。是為善知識。若偏執一門。自是他非。排擯異己。無論法門如何。皆非善調物情。廣行化導者。如世專科醫師。其利不溥也。雖歸元無二。而方便多門者。諸佛說法。無非指示眾生。一條歸元之路。元即本元真心。眾生最初。一念迷情妄動。乃迷真起妄。背本逐末。所以流轉生死。長劫不休。諸佛說法。示以歸元之路。一歸本元。無有二致。惟一清淨本心。而所教方便。修證法門。別有八萬四千。故謂之多門。如千徑九達。皆達王城也。初總序多門講竟。

二別顯淨宗分二科

初淨土橫超勝

二特顯持名勝

今初

序●然於一切方便之中。求其至直捷。至圓頓者。莫若念佛。求生淨土。

講●然字轉語之辭。上云方便多門。然於一切方便法門之中。揀擇其至直捷。而不紆緩。至圓頓。而非偏漸者。莫若念佛法門。求生淨土。念佛法門。但持洪名六字。可以橫超三界。徑登不退。疾趣菩提。其直捷圓頓。為何如耶。

橫超三界。帶業往生。為淨宗特點。一切法門。皆豎出三界。不能橫超三界。豎出則難。橫超則易。今有一喻。喻如虫生竹中。若從竹節。一節一節咬穿。向竹梢而出者。此喻豎出三界。何等為難。若從竹邊。咬穿一洞而出者。此喻橫超三界。何等容易。此即直捷圓頓之譬喻。

彙法